









МАШРИҚЗАМИН — ХИКМАТ БҮСТОНИ

Саъдий Шерозий ХИКМАТЛАР

Шу хил бўлки, олам десин офарин, Ёмон демасин ўлганингдан кейин.

Ёмонлик билан умр ўтказмагил, Сенга токи ёғдирмасин ланнат эл.

Гар иш ақлу тадбир билан ҳам бўлур, Яраш ёв билан жангдан афзал эрур.

Енгилш ёвни зўр бирла бўлса қийин, Керак зар-ла ёлмоқ уруш эшигин.

Агар хавф эса сенга ёв зарбидан, Тилин боғлагил лутфу эҳсон билан.

Зарар ўрнида ёвга соч сийму зар, Ёв ўтқир тишин лутф ўтмас этар.

Бўлур чалса тадбир ногорасини, Килур хийла зўрларни чорасини.

Чунон айлагил душманинг хурматин, Кейин бўлсин шил, топиб фурсатин.

... Хужум этма душман зўр эрса агар, Қиличнинг дамин ушлама, қўл кесар!

Зафар бўлса гар сен томонингда ҳам, Эмас одамият кичикка ситам.

Агарчи эсанг қанчалик пахлаван, Урушдан яраш яхшидир ҳар қачон.

Кучинг этмаса гар мураса билан, Раводир кўтарсанг қилич унда сан.

Бўйин товлама, ёв яраш истагач, Жилов тортма, душман кураш истагач.

Темир қальвани ағдарур саъй этиб, Қари фикру ёшлар қилич ишлатиб.

Агар ёвдан ортиқ эсанг қанча ҳам, Тунаб қолма ёв юртида ҳеч дам.

Жаҳонгашта эр марду оқил бўлур, Кўп иссиқ-совуқларни кўрган эрур.

Гар обод бўлсин, десанг, юрту эл, Улуғ ишни ҳар кимга топширмагил...

Кичикларга топширмагил катта иш, Эзолмайди сандонни мушт ёки тиш...

Десангим, хароб бўлмасин бу жаҳон, Синовсизга топширма иш ҳеч қачон.

Чопар овчи ит шерга пайти билан, Уруш кўрмаган шер қочар тулкидан.

Туриш беғам икки заиф ёв аро Эмас мардлик, ушбу ишдир хато.

Агар тил бириктирсалар ҳар иков, Бўлурлар жасоратли бир катта ёв.

Бирин макру найранг-ла овора қил, Бирин янчибон, майли, юз пора қил...

Ёвинг душмани бирла дўстлик зарур, Ушанда жаҳон унга зиндон бўлур.

Ғажир бўрилар бир-бирини агар, Шу фурсат аро кўйлар ором олар.

Қилич қўлда-ю, жангда бўлганда ҳам, Унутма яраш йўлини ҳеч дам.

Билимли, хунарманд, баҳодир эли, Қилур зоҳиран жанг, ярашда дили.

Ширинсўз ғаразгўйдан этгил ҳазар, Бўлур, аҳтимол, ул асалда захар.

Агар банди ичмоқчи бўлганда қон, Ситамгарнинг қонин сўрар беомон.

Кишиларга билдирмагил ниятинг, Кўпинча бўлур гаптошар улфатинг.

Жаҳонни мусаххар қилурман десанг, Халойиққа шафқат қил-у, қилма жанг.

Агар лутфу шафқат-ла иш бўлса ҳал, Ёмонлик керак бўлмагай ҳеч маҳал.

Тириликда ҳам е, сен ўлган қуноқ, Ўғил-қизда мерос бўлур иштиёқ.

Бугун бойлигинг элга бергил — есин, Сеники эмас ўлганингдан кейин.

Тиланмаслигинг шукрин эт доимо, Куруқ кўйма эшикка келса гадо.

Эргаш ОЧИЛОВ тайёрлаган

Спорт янгиликлари

ПУХТА ТАЙЁРГАРЛИК — МУВАФФАҚИЯТ ГАРОВИ!

МАМЛАКАТИМИЗ ФУТБОЛ ЖАМОАЛАРИ 2008 ЙИЛГИ МАВСУМГА ПУХТА ТАЙЁРГАРЛИК КЎРИШ МАҚСАДИДА ХОРИЖДА ВА ЮРТИМИЗДА ЎТКАЗИЛАЁТГАН ЎҚУВ-МАШГУЛОТ ЙИГИНЛАРИДА ФУТБОЛЧИЛАРНИНГ ЖИСМОНИЙ, ТЕХНИК ВА ТАКТИК ТАЙЁРГАРЛИгини ошириш, таркибни кучли ва маҳоратли чарм тўп усталари билан тўлдиришга ҳаракат қилмоқда.

Бошланажак мавсумда Ўзбекистон чемпионати ва кубогидан ташқари, халқаро миқёсда — Мустанкил Давлатлар Хамдўстилиги ва Болтиқбўйи мамлакатлари чемпионлари кубоги ҳамда Осие чемпионлар лигаси мусобақаларида кўлаб муҳим учрашувларни ўтказадиган амалдаги чемпион — "Пахтакор" (Тошкент) жамоаси футболчилари учун Бирлашган Араб Амирликларида ташкиллаштирилган ўқув-машгулот йиғини анча самарали бўлди.

Равшан Хайдаров шогирдлари сўнги иккита синов-назорат учрашувини кучли жамоаларга қарши ўтказди. Бирлашган Араб Амирликлари чемпионати фолиби — "Ал-Ваҳда"га қарши ўтган баҳсни тошкентликларнинг Осие чемпионлар лигаси мусобақаларида муваффақиятли иштирок этиш учун ташлаган дастлабки қадами сифатида баҳолаш мумкин. Чунки, Осие футболконфедерациясининг мусобақага қурыа ташлаш тизимига кўра, пахтакорчилар гуруҳ беллашувида асосан араб футболчи вакиллари билан рақобатлашишга мажбур бўлади.

Мазкур ўйин пахтакорчилар устунлигида ўтди. Учрашувда ҳисоб иккинчи бўлимда очилди. "Пахтакор" ярим ҳимоячиси Ринат Байрамов томонидан берилган зарбани мезбонлар посбони қайтар олмади. Бирок, вакилларимизга галабани ушлаб қолиш насиб қилмади. Ҳар иккита ўйиннинг ҳисоби 1:1. "Пахтакор"нинг Россия чемпионатида кучли жамоаларидан ҳисобланган "Крилья Советов"-га (Самара) қарши ўтказган ўйин футболчиларимиз учун МДХ ва Болтиқбўйи мамлакатлари чемпионлари кубоги мусобақаси олдида анча фойдали бўлди.

Дубай шаҳрида ўтган учрашувда ҳисобни очиб самаралиларга насиб этди. Беллашувнинг 16-дақиқасида Андрей Тихонов учрашув ҳақами томонидан белгиланган пенальтини аниқ бажариб, жамоасини ҳисобда олдинга олиб чиқди. Бу устунлик иккинчи бўлимнинг ўрталарига қадар сақланиб турди. 60-дақиқада ҳамкам "Крилья Советов" дарвозаси томон пенальти белгиланди.

Ун бир метрлик нуқтадан аниқ зарба йўллаган Фарход Тожиев рақиб посбонини доғда қолдирди. Учрашувнинг 78-дақиқасида самаралик чарм тўп усталаридан Денис Ковба "Пахтакор" дарвозасига иккинчи тўпни киритди. Шундай бўлса-да, россияликлар галабани ушлаб қола билмади. Ҳар иккита ўйиннинг ҳисоби 1:1. "Пахтакор"нинг учинчи голини урди.

Шундай қилиб, голларга бой бўлган учрашув, ҳамюртларимизнинг 3:2 ҳисобидаги галабаси билан яқунланди.



ЁШЛАР — ОЛДИНДА

ТОШКЕНТ ШАҲАР ШАХМАТ ФЕДЕРАЦИЯСИДА ШАХМАТ БЎЙИЧА ПОЙТАХТ ЧЕМПИОНАТИНИНГ ФИНАЛ БОСҚИЧИ МУСОБАҚАЛАРИ ЯҚУНЛАНДИ. ТУРНИР ШВЕЙЦАРЧА УСУЛДА ТЎҚҚИЗ ТУРДАН ИБОРАТ БЎЛИБ, УНДА АЁЛ ШАХМАТ УСТАЛАРИ ҲАМ ИШТИРОК ЭТИШДИ.

Шиддатли ва кескин баҳслардан сўнг 9 имкониятдан 7 очко тўплаган спорт устаси Элёр Назаров хурмат шоҳсупасининг энг юқори погонасидан ўрин олди. Иккинчи ва учинчи ўринлар спорт усталигига номзодлар Авазбек Эшбоев ва Талгат Губайдуллинга насиб этди.

Тавқидлаш жоизки, охириги кунда иккинчи ўрин учун кураш айнакча мурасасиз кечди. Бунда Авазбек Эшбоевга 6,5 очко жамғарган Ирина Геворкян жуда муносиб рақиб эди ва ҳар иккала шахматчининг ўзаро баҳси кумуш медал тақдирини ҳал этди. Сўнги учрашувни жиддий тарзда ўтказган Эшбоев чиройли галабага эришди ва совриндорлар сафидан ўрин олди.

Иқтидорли ёшлардан 6,5 очко жамғармаса Аббос Мурасимовнинг дона суриши муҳлис ва мутахассисларга илиқ таассурот қолдирди. Фахрийлар орасида эса спорт усталигига номзод Сергей Федяшин умидбахш ўйин кўрсатди.

Турнирнинг барча голиб ва совриндорлари дипломлар, киммат-баҳо совғалар билан тақдирланди. Январь ойининг охиридаги шахримизда республика мусобақалари бўлиб ўтади. Ҳозирда энг кучли шахматчиларимиз ушбу мусобақаларга тайёргарлик кўришмоқда.

(Ўз мухбиримиз),

СУРАТЛАРДА: турнирдан лавҳалар, Алексей Попов олган суратлар



Бош муҳаррир Акмал АҚРОМОВ
Манзилимиз: 100000, Тошкент шаҳри, Матбуотчилар кўчаси, 32
МУАССИС: ТОШКЕНТ ШАҲАР ҲОКИМЛИГИ

ТЕЛЕФОНЛАР: хатлар — 133-29-70; эълонлар: 133-28-95, 136-57-65. факс: (3712) 133-21-56.
Душанба, сешанба, чоршанба, пайшанба ва жума кунлари чиқади.
Нашр кўрсаткичи — 563

Газета Тошкент шаҳар Матбуот ва ахборот бошқармасида 02-1-рақам билан рўйхатга олинган.
Ҳажми — 2 босма табоқ, офсет усулида босилади. 3960 нускада босилди. Қоғоз бичими А-2

Нашрни etkazib бериш масалалари бўйича турар жойлардаги почта бўлимига ёки «Тошкент почтаси»га — 133-74-05 телефонига мурожаат қилишнинг мумкин.
«Шарқ» нашриёт-матбаа акциядорлик компанияси босмаханона. Корхона манзили: «Буёқ Турон» кўчаси, 41-уй.